

Na osnovu člana 18. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i člana 164. stav 5. Zakona o vodama ("Službene novine Federacije BiH", broj 70/06), a u vezi sa članom 164. stav 4. istog Zakona, na prijedlog Federalnog ministarstva poljoprivrede, vodoprivrede i šumarstva, Vlada Federacije Bosne i Hercegovine, na 124. sjednici održanoj 18. novembra 2009. godine, donosi

ODLUKU

O VRSTI I VISINI TROŠKOVA RADA SAVJETODAVNIH VIJEĆA VODNIH PODRUČJA

I.

Ovom Odlukom propisuje se vrsta i visina troškova rada savjetodavnih vijeća vodnih područja, te način obračuna i plaćanja ovih troškova.

II.

Za rad savjetodavnih vijeća vodnih područja (u daljnjem tekstu: vijeća) odobravaju se sljedeći troškovi:

- Nadoknada putnih troškova za članove vijeća u svrhu dolaska na sjednice;
- Administrativno - materijalni troškovi neophodni za rad vijeća, što uključuje troškove pripreme materijala za sjednice vijeća i dostavu istih članovima vijeća;
- Troškovi zakupa prostorija - sala za održavanje sjednica vijeća;
- Ostali troškovi, samo ako su neophodni za održavanje sjednica vijeća.

III.

Visina troškova iz tačke II. ove Odluke na godišnjem nivou iznosi 50.000,00 KM, od čega za:

1. Savjetodavno vijeće vodnog područja rijeke Save - 27.000,00 KM,
2. Savjetodavno vijeće vodnog područja Jadranskog mora - 23.000,00 KM

IV.

Obračun i plaćanje troškova iz tačke II, stav 1. alineja 1. ove Odluke, vršit će se u skladu sa Uredbom o naknadama putnih troškova za službena putovanja ("Službene novine Federacija BiH", br. 75/04, 43/07, 3/08, 2/09), kojim je utvrđena vrsta i visina naknada za službena putovanja državnih službenika uposlenih u federalnim, kantonalnim, gradskim i općinskim organima državne službe na teritoriji Federacije Bosne i Hercegovine.

V.

Troškovi rada vijeća finansiraju se iz Budžeta Federacije Bosne i Hercegovine, putem Federalnog ministarstva poljoprivrede, vodoprivrede i šumarstva.

VI.

Za obračun i isplatu troškova iz tačke II. ove Odluke zadužuju se agencije za vodna područja, shodno područnoj nadležnosti.

VII.

Za realizaciju ove Odluke zadužuju se Federalno ministarstvo poljoprivrede, vodoprivrede i šumarstva i agencije za vodna područja.

VIII.

Ova Odluka stupa na snagu narednog dana od dana objave u "Službenim novinama Federacije BiH".

V broj 872/09
18. novembra 2009. godine
Sarajevo

Premijer
Mustafa Mujezinović, s. r.